

BAB I

PENDAHULUAN

1.1 PENGENALAN

Pada bab pertama merupakan bab pendahuluan, penulis membicarakan tentang latar belakang kajian, permasalahan kajian, persoalan kajian, objektif kajian, kepentingan kajian, skop kajian, sorotan kajian lepas dan metodologi kajian. Bagi menjalankan kajian ini penulis menggunakan dua metode iaitu metode pengumpulan data dan metode penganalisan data dan diikuti dengan pembahagian sistematika kajian.

1.2 LATAR BELAKANG KAJIAN

Thailand adalah sebuah negara yang mempunyai penduduk pelbagai bangsa dan agama. Islam juga adalah agama kedua terbesar dengan lebih dari 6 juta pengikutnya¹ yang mempunyai penduduk majoritinya di bahagian Selatan Thailand, sempadan dengan Malaysia, terkandungnya wilayah Pattani, Yala dan Narathiwat.

Wilayah Pattani adalah salah satu wilayah yang terletak di Selatan Thailand yang mangandungi majoriti penduduk yang beragama Islam. Berdasarkan statistik dari jumlah penduduk Patani adalah berjumlah 655,259 orang yang terdiri dari lelaki 323,573 orang dan perempuan 331,686 orang² dan yang beragama Islam 532,876³. Dari 655,259 orang tersebut, Ternyata bahawa majoriti penduduk di wilayah Patani adalah muslim yang perlu menjalani urusan kehidupan harian menurut perinsip syariah yang diperintah oleh Allah S.W.T. Salah satu perkara yang penting iaitu

¹Sudin Haron & KuMajdi Yamirudeng "Islamic Banking in Thailand: Prospects and Challenges" *International Journal of Islamic Financial Services*, 5 no. 2, 1.

²"National Statistical Office of Thailand, dicapai 15 March 2012, <http://service.nso.go.th/nso/nsopublish/districtList/S010107/th/78.htm>.

³Majlis Agama Islam Wilayah Pattani, dicapai 15 March 2012, http://www.maip.in.th/home/index.php?option=com_content&view=article&id=14:2010-08-27-08-53-29&catid=2:2010-08-27-04-25-28&Itemid=3.

urusan kewangan seperti simpanan wang untuk keselamatan dari kehilangan wang, dan urusan perniagaan, pinjaman yang tidak bercampur dengan unsur-unsur riba dan bercangah dengan apa yang ditetapkan oleh Allah S.W.T.

Keperluan rakyat yang beragama Islam terhadap institusi perbankan Islam yang tidak mengamalkan riba turut diambil perhatian oleh pihak kerajaan Thailand lalu meminta institusi perbankan konvensional menawarkan unit “*Islamic Windows*” (Jendela Perkhidmatan Perbankan Secara Islam) kepada pelanggan seperti di Om-sin Bank yang mengadakan unit itu Pada tahun 1998.⁴ Perkhidmatan perbankan Islamn terbuka kepada semua penduduk tanpa mengira agama. Penubuhan “*Islamic Bank of Thailand*” pada tahun 2004 adalah hasil daripada perjanjian pembangunan ekonomi tiga segi “*Growth Triangle*” (Indonesia, Thailand dan Malaysia) dalam projek itu, kerajaan Thailand dalam membangunkan 5 Wilayah selatannya, termasuk membangunkan sistem perbankan Islam.⁵

Usaha menubuhkan Bank Islam telah berjaya pada 26 Jun 2003, dengan rasminya Akta Perbankan Islam di bawah pentadbiran Kementerian Kewangan Thailand dengan modal pelaburan 1,000 juta Bath. Bank Islam yang pertama ditubuhkan di Negara Thai dinamakan “*Islamic Bank of Thailand*” dengan ibu pejabatnya di Bangkok kawasan *Khlong Tan* dan membuka cawangannya di kawasan Selatan Thai. Pada akhir tahun 2005, Bank Islam ini berkembang sehingga mempunyai 9 buah kesemuanya. Bank Islam ini telah mengikuti dasar penyatuan Kementerian Kewangan dengan membeli perkhidmatan kewangan Islam *Krung Thai Bank Limited.*, melalui perjanjian pemindahan perkhidmatan pada 9 November 2005.

⁴Islamic Bank of Thailand, dicapai 7 May 2012, <http://www.oknation.net/blog/print.php?id=250369>.

⁵Islamic Bank of Thailand, dicapai 9 April 2012
http://www.ibank.co.th/2010/th/about/about_detail.aspx?ID=1 9/4/2012

Hasilnya, Islamic Bank of Thailand mempunyai lebih banyak cawangan, iaitu dari 18 cawangan menjadi 27 cawangan untuk menampung peningkatan jumlah perniagaan. Operasi perniagaan ibu pejabatnya telah berpindah dari *Khlong Tan* ke Bangunan *Q-House A-soke*⁶ iaitu pada bulan Ogos tahun 2006.⁷ Dalam operasinya, Bank ini menyediakan pelbagai perkhidmatan produk perbankan Islam terdiri dari produk simpanan seperti akaun simpanan, akaun simpanan *Muḍārabah, al-Waḍī'ah*, dan produk pembiayaan seperti Pembiayaan untuk kegunaan individu, Pembiayaan untuk penindustrian dan perdagangan, Bill dan kontingen (*bill & contingents*), Perkhidmatan perdagangan (*trade financing facilities*).

Bank Islam ini merancang visi dan misi dalam membangunkan sosio-ekonomi masyarakat Islam, dalam operasinya dengan memberi sumbangan terhadap pembangunan industri kecil dan sederhana, yang mana pihak bank mengeluarkan produk-produk bagi mereka yang berpendapatan rendah seperti produk pembiayaan grass root, pembiayaan Pembiayaan sewa beli kenderaan, Pembiayaan untuk pendidikan, Pembiayaan perumahan dan sebagainya. Perbankan Islam ini juga mengambil berat tentang aktiviti-aktiviti sosial dengan mengadakan penyaluran zakat menurut prinsip *al-Qur'ān*, dengan aktiviti ini juga dapat mengurangkan masalah kemiskinan bagi mereka yang kurang upaya dalam masyarakat Islam di Thailand. Justeru itu, kajian ini akan melihat peranan sistem perbankan Islam yang dijalankan Islamic Bank of Thailand dalam pembangunan ekonomi masyarakat di Patani Selatan Thailand.

⁶ Terletak di 66 Bangunan Q-House Asoke Jalan Sukhumwit 21, Khlong teae nuar, Wathana, Bangkok Pos kod 10110.

⁷Ibid.,

1.3 PERMASALAHAN KAJIAN

Kewujudan Islamic Bank of Thailand telah beroperasi di negara Thailand sebagai institusi kewangan Islam yang terbesar untuk memenuhi keperluan umat Islam dalam menjalani urusan kewangan selaras dengan prinsip Syariah dan Islamic Bank of Thailand juga mempunyai objektif yang penting ialah membangunkan ekonomi masyarakat mengikut landasan Islam. Seperti yang dijelaskan bahawa negara Thai adalah negara Buddha yang tidak mengambil berat tentang sistem kewangan Islam seperti mana yang kita dapat lihat di Malaysia, maka penubuhan Islamic Bank of Thailand yang berusia hampir satu dekad ini, telah menarik perhatian penduduk dalam dan luar negara tentang operasi sistem perbankan Islam serta dengan memenuhi objektif utama iaitu pembangunan ekonomi yang berteraskan Islam. Justeru itu, dalam kajian ini akan mendedahkan beberapa permasalahan yang akan dijelaskan tentang amalan keseluruhan perbankan Islam yang dijalankan oleh Islamic Bank of Thailand khususnya di wilayah Pattani bagaimana operasinya dan peranan Islamic Bank of Thailand dalam pembangunan ekonomi ummah yang menjadi objektif utama penubuhannya.

1.4 PERSOALAN KAJIAN

Daripada latarbelakang dan permasalahan kajian itu, akan dirumuskan dengan beberapa persoalan iaitu;

1. Bagaimanakah amalan perbankan Islam yang beroperasi di Pattani, Selatan Thailand?
2. Bagaimanakah Islamic Bank of Thailand menjalankan operasi produk-produk perbankan Islam dalam pembangunan ekonomi di Pattani, Selatan Thailand?

3. Sejauhmanakah sistem perbankan Islam memainkan peranan dalam pembangunan ekonomi ummah di Pattani, Selatan Thailand?

1.5 OBJEKTIF KAJIAN

1. Menjelaskan amalan sistem perbankan Islam di Pattani, Selatan Thailand.
2. Mengenalpasti produk-produk dalam sistem perbankan Islam yang berkaitan dengan pembangunan ekonomi di Pattani, selatan Thailand
3. Menganalisis peranan perbankan Islam dalam pembangunan ekonomi ummah di Pattani, Selatan Thailand.

1.6 SKOP KAJIAN.

Kajian ini berkisar tentang operasi sistem perbankan Islam di Islamic Bank of Thailand (Ibank) di wilayah Pattani tentang peranannya dalam peningkatan ekonomi masyarakat melalui penawaran produk-produk perbankan Islam. Oleh sebab kekangan masa yang terhad, maka penelitian ini hanya dikaji daripada data yang diperolehi pada tahun 2009-2011 di Islamic Bank of Thailand Wilayah Patani, Selatan Thailand sahaja.

1.7 KEPENTINGAN KAJIAN

Kajian ini akan membantu dan memberi penjelasan kepada masyarakat Islam terhadap mekanisme dalam sistem perbankan Islam dan juga akan menjadi panduan kepada pihak Bank Islam dalam mempertingkatkan daya perkhidmatan agar memberi kesan dan memberi kefahaman kepada masyarakat malayu Islam Pattani terhadap sistem perbankan Islam, dan meningkatkan daya perkhidmatan ke arah kemuncak kejayaan menurut perspektif Syariah. Dan bagi pelajar, juga menjadi sebagai rujukan bagi kajian kesinambungan seterusnya.

1.8 ULASAN KAJIAN LEPAS

Tindakan pertama yang perlu dilakukan oleh seserorang penyelidik setelah mengenalpasti masalah yang hendak dikajinya ialah membuat *Literature Review* atau menyoroti hasil kajian-kajian lepas yang ada kaitan dengan masalah itu.⁸Banyak kajian tentang perbankan Islam dan ekonomi pembangunan yang telah dikaji di Malaysia dan negara-negara lain. Malalui pembacaan secara amnya, kajian tentang perbankan Islam dan ekonomi pembangunan di Thailand tidak beberapa banyak dan tidak diperolehi satu kajian pun yang meneliti sistem perbankan Islam dan Peranannya dalam pembangunan ekonomi khusus di Pattani, Selatan Thailand. Namun hanya dibuat secara umum sahaja.

Namun, dari pembacaan penulis terhadap beberapa kajian yang mengkaji institusi-intitusi kewangan Islam di Thailand yang berkaitan dengan sejarah gerakan penubuhan Islamic Bank of Thailand, yang menjadi inspirasi bagi penulis untuk membuat kajian ini. Kajian-kajian tersebut seperti hasil penulisan disertasi sarjana (M.A) seperti kajian yang dibuat oleh Arphandee Hasan di Jabatan Fiqh dan Usul, Akademi Pengajian Islam, Universiti Malaya tentang pelaksanaan mudarabah dalam Krung Thai Bank PCL., yang beroperasi dalam unit jendela perkhidmatan perbankan Islam yang bertajuk “ *Pelaksanaan Mudarabah di Krung Thai Bank Public Company Limited, Wilayah Yala, Thailand : Analisis Menurut Perspektif Islam*”. Kajian tersebut menumpu kepada pelaksanaan Mudarabah yang dilaksanakan di *Islamic Windows* Krung Thai Bank PCL., menurut perspektif Islam. Kajian tersebut bertujuan untuk melihat dari pandangan Islam serta mengkaji kesahihan pelaksanaan Mudarabah di Krung Thai Bank PCL. Hasil dari kajian tersebut didapati bahawa

⁸Idris Awang, *Penyelidikan Ilmiah : Amalan Dalam Pengajian Islam*, (Kamil & Syakir Sdn. Bhd, 2009), 36.

pelaksanaan Mudarabah di Krung Thai Bank PCL selaras menurut prinsip Syariah yang telah ditetapkan.⁹

Satu kajian lagi hasil penulisan disertasi (M.A) tentang sistem kewangan Islam di Pattani, yang juga menjadi gambaran bagi penulis untuk membuat kajian ini. Iaitu kajian dibuat oleh Syukri Samae, Jabatan Sejarah dan Tamadun Islam, Bahagian Usuluddin, Akademi Pengajian Islam, Universiti Malaya tentang peranan koperasi terhadap pembangunan masyarakat di Thailand, yang bertajuk “ Koperasi Ibn Affan : Sejarah dan Peranannya Dalam Pembangunan Masyarakat Islam Selatan Thailand”. Kajian ini menumpu kepada melihat sejarah dan peranan koperasi Islam iaitu koperasi Ibn Affan dalam pembangunan masyarakat Islam di wilayah Selatan Thailand. Hasil dari kajian tersebut, didapati bahawa sejak pertubuhan koperasi ini, dapat membantu masyarakat Melayu Pattani dari segi pembiayaan dan juga dapat mengumpul dana zakat sebagai bantuan untuk mengagihkan kepada penduduk tempatan yang berhak menerimanya¹⁰

Fauzi Kado¹¹ dalam kajian beliau tentang sistem perbankan Islam di Thailand yang menumpu kepada skim pelaburan di Islamic Bank of Thailand yang mana beliau mengkhususkan kepada skim *al-Muḍārabah*. Kajian beliau menjelaskan tentang *Muḍārabah* yang dianjurkan oleh Islam seperti definisi sistem perbankan Islam, mendapati bahawa sistem *Muḍārabah* yang dilaksanakan di Islamic Bank of Thailand adalah bertepatan dan tidak bercanggah dengan prinsip Syariah dan pendapat para ulama mazhab fiqh seperti amalan pada akad pembukaan akaun

⁹Arphandee Hasan, “Pelaksanaan Mudarabah di Krung Thai Bank Public Company Limited, Wilayah Yala, Thailand : Analisis Menurut Perspektif Islam” (Disertasi Sarjana Syariah, Jabatan Fiqh dan Usul, Bahagian Pengajian Syariah, Akademi Pengajian Islam, Universiti Malaya, 2006)

¹⁰ Syukri Samae, “Koperasi Ibn Affan : Sejarah dan Peranannya Dalam Pembangunan Masyarakat Islam Selatan Thailand” (Disertasi Sarjana Usuluddin, Jabatan Sejarah dan Tamadun Islam, Akademi Pengajian Islam, Universiti Malaya, 2006)

¹¹Fauzi Kado, “Analisis skim pelaburan al-Muḍārabah di Islamic Bank of Thailand” (Disertasi Sarjana Syariah, JSE, Akademi Pengajian Islam, Universiti Malaya, Kuala Lumpur, 2009)

simpanan, akaun semasa, dan pembiayaan pelaburan berasaskan prinsip *Muḍārabah*. Pelaksanaan pelaburan muḍārabah bagi tempoh masa tertentu, pelaksanaan dengan pengusaha yang ramai, pelaksanaan muḍārabah dari segi pembatalan akad *muḍārabah* sebelum tarikh matang tempoh akad dan pelaksanaan pembiayaan *muḍārabah* pada bidang usaha yang dibiayai merupakan antara sistem-sistem yang digunakan oleh *Islamic Bank of Thailand* pada hari ini.

Suttijak Jaisamut¹² dalam kajian beliau tentang peranan bank Islam dalam pembangunan masyarakat adalah kajian kualitatif dengan menggunakan metode wawancara terhadap kaki tangan Bank Islam. Kajian ini meneliti dokumentasi hasil implementasi Bank Islam dari tahun 2004-2006 dan menganalisis pandangan kaki tangan tersebut terhadap peranan bank Islam dalam pembangunan masyarakat. Hasil kajian mendapati bahawa implementasi bank Islam tidak berbeza dengan bank konvensional akan tetapi dalam memberi perkhidmatan simpanan dan pembiayaan itu adalah berbeza kerana tidak menggunakan kiraan tingkat bunga dan juga didapati bahawa perkhidmatan bank Islam banyak menuju kepada pembangunan masyarakat dan seterusnya bank Islam yang terletak kawasan bandar mendorong bank berperanan dalam pembangunan sosio-ekonomi dalam kawasan bandar itu. Hasil dari wawancara ahli jawatan kuasa dan kakitangan bank Islam berkaitan dengan produk-produk perbankan Islam didapati bahawa kebanyakan penduduk tidak faham tentang sistem perbankan Islam dan beranggapan bank Islam itu hanya untuk orang Islam sahaja.

Surapong Sirilimp dalam kajiannya dalam bahasa Thai tentang operasi perkhidmatan perbankan Islam di Thailand, yang beroperasi di 4 buah bank di

¹² Suttijak Jaisamut, “*Bot bath khong Thanakhan Islam tor karn patthana chumchon*” (Peranan Bank Islam dalam Pembangunan Masyarakat), (Disertasi Sarjana, Master of Art, Universiti Ramkhamhaeng, Bangkok, Thailand, 2007)

Thailand. Kajian mendapati bahawa *The Government Saving Bank (GSB)*, *Bank for Agriculture and Agricultural Cooperatives (BAAC)*, *Krung Thai Bank PLC. (KTB)* dan *The Islamic Bank of Thailand*, bank yang telah menawarkan perkhidmatan perbankan Islam hanya bank yang dimiliki kerajaan dan bank komersial sahaja. Kesemua 4 buah bank yang menawarkan perkhidmatan perbankan Islam itu berbeza dengan satu sama lain, tidak ada panduan yang sama dalam penawaran perkhidmatan.¹³

Sudin Haron dan Kumajdi Yamirudeng dalam kajian mereka tentang sistem perbankan di Thailand dari prospek dan cabaran.¹⁴ Dalam kajian ini juga beliau mengklasifikasikan bank-bank yang beroperasi di Thailand dan membincangkan pelbagai cabaran yang dihadapi oleh sistem perbankan Islam di Thailand. Cabaran yang diketengahkan dalam kajian ini adalah wilayah ekonomi, penerimaan orang ramai, kaedah-kaedah dan peraturan-peraturan dan sumber manusia. Di tengahnya cabaran itu, prospek bagi sistem perbankan baru ini sebagai alternatif kepada sistem perbankan yang sedia ada

Sistem perbankan konvensional masih kekal, pada masa itu umat Islam majoriti yang tinggal di Wilayah Selatan, terdapat kemungkinan besar bahawa bank-bank Islam di Thailand akan muncul sebagai institusi kewangan utama di masa depan. Untuk memastikan kejayaan mereka, pengurusan bank-bank ini mestilah berorientasikan pelanggan, inovatif, kreatif, dan mudah terdedah kepada sebarang kemungkinan perubahan dalam pasaran. Kerajaan juga perlu memainkan peranan penting dalam menyediakan persekitaran yang kondusif untuk Islam bank untuk

¹³ Surapong Sirilimp, "Karn Prakob Kijakarn Thang Karn Ngen Tam Lak Sasana Islam Nai Prathet Thai : Suksa Korani Thanakhan Islam Haeng Prathet Thai" (Operasi Perkhidmatan Kewangan Islam di Thailand : Kajian Kes di Islamic Bank of Thailand) (Disertasi Master of Laws, Universiti Ramkhamhaeng, Bangkok, Thailand, 2003)

¹⁴ Sudin Haron & KuMajdi Yamirudeng "Islamic Banking in Thailand: Prospects and Challenges" *Jurnal Perkhidmatan Kewangan Islam Antarabangsa* 5, no. 2(2002)

beroperasi. Peraturan yang sesuai dan peraturan-peraturan perlu diperkenalkan untuk melindungi kedua-dua bank dan pelanggan. Sebagai pemain pasaran baru, bank Islam menghadapi peluang-peluang pelaburan yang terhad. Salah satu daripada langkah-langkah yang boleh diambil oleh kerajaan untuk mengatasi had ini adalah melalui terbitan bon Islam dan bil. Akhir sekali, kerjasama di kalangan negara-negara Islam, terutamanya Malaysia adalah paling utama dalam membantu Thailand untuk membangunkan sistem perbankan Islam yang lebih menyeluruh.

Tidak boleh dinafikan bahawa kesemua kajian tersebut, dapat memberi inspirasi dan gambaran kepada penulis untuk menjalankan kajian ini, yang bertajuk : *Peranan Sistem Perbankan Islam dalam Pembangunan Ekonomi Ummah di Pattani, Selatan Thailand*, dengan melihat corak Pelaksanaan perbankan Islam dan Peranannya dalam pembangunan ekonomi masyarakat di Pattani, Selatan Thailand.

Selain dari kajian yang berkaitan dengan sistem perbankan Islam di Thailand. Kajian-kajian tentang sistem perbankan Islam dari Negara-negara lain juga didapati seperti di Malaysia, Timur tengah, dan sebagainya yang membantu penulis dalam menjalankan kajian penulis ini, antaranya ;

Ab. Mumin Ab. Ghani¹⁵ dalam bukunya yang membahas tentang sistem kewangan Islam dan pelaksanaannya di Malaysia, yang cuba memperjelaskan dengan agak terperinci mengenai sejarah perkembangan sistem perbankan Islam, konsep dan bentuk pelaksanaan sistem perbankan Islam dalam sebuah negara multi agama, bangsa dan kebudayaan. Buku ini memperjelaskan bagaimana rupa bentuk dan kerangka suatu sistem kewangan yang dikatakan sebagai sistem kewangan Islam dan cuba membuktikan juga bahawa bank Islam serasi dan berdaya maju untuk

¹⁵ Ab.Mumin Ab.Ghani, *Sistem Kewangan Islam dan Pelaksanaannya di Malaysia* (Kuala Lumpur : Jabatan kemajuan Islam Malaysia, 1999)

dilaksanakan dalam dunia kewangan ini. Dalam buku ini juga, cuba memperlihat bagaimana prinsip Syariah boleh membentuk produk dan instrumen kewangan Islam yang berdaya maju untuk dilaksanakan dalam masyarakat moden.

M. Mansoor Khan and M. Ishaq Bhatti¹⁶ dalam bukunya membincangkan beberapa topik yang berkaitan dengan perkembangan dan pelaksanaan sistem perbankan Islam di Pakistan. Dalam buku ini, bermula dengan memperkenalkan sistem perbankan Islam dan diikuti dengan menjelaskan amalan perbankan Islam kepada beberapa tahap, tahap pertama iaitu tahun 1981-1991 yang merupakan tahap awal dalam perubahan dalam usaha Islamisasi sistem perbankan di Pakistan, namun usaha ini telah pun tidak Berjaya. Seterusnya tahap kedua pada tahun 1992-1998 adalah tahap usaha-usaha untuk Menghidupkan semula perbankan dan kewangan Islam di Pakistan dengan berusaha yang lebih keras untuk islamisasi sistem perbankan, tetapi masih lagi tidak Berjaya. Tahap yang ketiga iaitu tahun 2001 apabila Kerajaan dapat keputusan untuk menggalakkan perbankan Islam secara beransur-ansur serasi dengan amalan terbaik di peringkat antarabangsa. Dalam buku ini, penulis juga merumuskan beberapa punca kegagalan dalam pelaksanaan perbankan Islam dan kewangan di Pakistan.

Munawar Iqbal dalam tulisannya “Development, History, and prospects of Islamic Banking”¹⁷ yang membincangkan perkembangan sistem perbankan Islam dari sejak tahun 1950 sehingga tahun 2000 yang menjelaskan evolusi sistem perbankan Islam secara terperinci pada satu tahap ke satu tahap. Hasil dari tulisan ini, yang cuba melihat dari hasil pengalaman sistem perbankan Islam lebih dari 50

¹⁶ M. Mansoor Khan and M. Ishaq Bhatti, *Developments in Islamic Banking The Case of Pakistan* (Palgrave Macmillan Studies in Banking and Financial Institutions, 2008)

¹⁷ Munawar Iqbal, “Development, History, and prospects of Islamic Banking” dalam “*The Foundations of Islamic Banking: Theory, Practice and Education*, ed. Mohamed Ariff, Munawar Iqbal (UK:Edward Elgar Publishing Limited, 2011), 73-85.

tahun telah menjelaskan bahawa perbankan Islam adalah satu aktiviti yang berdaya maju, boleh dipercayai, tertakluk kepada taraf pengawalseliaan yang sama di bawah bidang kuasa yang berautoriti. di samping itu, pihak yang berkenaan dengan sistem perbankan Islam perlu mengambil berat tentang pelaksanaan dan operasinya dengan mematuhi pengawasan dan undang-undang yang ketat.

Muhammad Ibrahim Miqdad dan Salim Abdullah Hals¹⁸ dalam kajian yang membincangkan peranan perbankan Islam dalam pembangunan ekonomi di Palestin. Penyelidikan ini bergantung kepada terbitan dan data primer yang dikumpul daripada bank Islam dan cawangan yang beroperasi di semenanjung Gaza, dan melalui soal selidik yang direka bentuk untuk kajian ini. Kajian ini mengesahkan peranan bank Islam dalam pembiayaan ekonomi pembangunan dari sudut pandangan teori, tetapi hasil kajian lapangan terdapat bahawa bank-bank Islam di Palestin tidak dapat memainkan peranan ini. Walaupun keputusan menunjuk bahawa bank Islam berjaya dapat sokongan dan mengumpul jumlah deposit, akan tetapi mereka gagal untuk menyediakan kemudahan perkhidmatan perbankan terutama di Palestin. Dalam penulisan ini, pengkaji membuat beberapa cadangan dari sudut pembangunan perbankan Islam, yang kebanyakannya tergantung pada perhatian perancangan dan mencari alternatif kepada pembiayaan Murabahah dan kepentingan Mudarabah, Musyarakah. Dan ini termasuklah mangadakan peraturan yang jelas untuk diguna pakai mengikut keadaan sebenar di Palestin.

¹⁸Muhammad Ibrahim Miqdad dan Salim Abdullah Hals, "Daur al-Bunūk al-Islāmiyah fi al-Tanmiyyah al-Iqtisādiyyah fi Filasṭin" (Kertas Kerja Kuliah al-Tijārah, al-Jāmiyah al-Islāmiyyah-Gaza, Palestin, 2005).

Shahid Saleem¹⁹ dalam hasil penulisan kertas kerja beliau yang mengkaji dan memberikan makna sebenar pembangunan ekonomi menurut perspektif Islam. Dalam kertas kerja ini juga mempunyai 2 bahagian utama iaitu pertama : Islam dalam pembangunan ekonomi dan yang kedua : Penggunaan perbankan dan kewangan Islam untuk pembangunan ekonomi di Pakistan. Dalam kajian beliau juga menjelaskan model dalam pembangunan ekonomi dan membahaskan lagi tentang mekanisme dan cara pelaksanaan sistem perbankan menurut perspektif Islam.

Sofyan²⁰ dalam kajian beliau tentang Peranan perbankan Islam dalam pembangunan sosio-ekonomi di Nanggroe Aceh Darussalam, yang cuba mengenal pasti pelbagai permasalahan yang dihadapi dalam operasi perbankan Islam di Aceh dan cuba mencari solusi terhadap masalah tersebut, serta menganalisis prospek dan peranan perbankan dalam pembangunan sosio-ekonomi daerah. Kajian ini lebih menumpukan pada analisis amalan operasi BPR Syariah di Aceh mendapati bahawa penubuhan BPR Syariah dan aktiviti-aktiviti perbankan Syariah di Aceh selama ini telah berjaya memperolehi sokongan dari masyarakat Aceh secara keseluruhan. dan dapati juga bahawa BPR Syariah memiliki peranan yang amat penting dalam menggerakkan perekonomian masyarakat di kawasan luar bandar dalam membiayai usaha projek-projek ekonomi yang produktif. Hasil kajian ini mendapati bahawa BPR Syariah di Aceh ternyata berjaya mendorong meningkatkan pembangunan sosio-ekonomi masyarakat kawasan luar bandar melalui perluasan penyediaan lapangan pekerjaan dan kesempatan berusaha secara adil dan merata.

¹⁹Shahid Saleem, "Role of Islamic Banks in Economic Development" (A Working paper exploring the meaning of Development in Islamic perspective and suggestions regarding possible utilization of Islamic banking for development of Pakistan, 2008).

²⁰ Sofyan "Peranan perbankan Islam dalam pembangunan sosio-ekonomi daerah di Nanggroe Aceh Darussalam" (Disertasi, Akademi Pengajian Islam, Universiti Malaya, Kuala Lumpur, 2004)

Dewi Hartin²¹ dalam kajian peringkat sarjana (M.A) tentang peranan Bank Pengkreditan Rakyat Syariah dalam pembangunan ekonomi umat di Sumatera utara di Indonesia mendapati bahawa Bank Pengkreditan Rakyat Syariah memiliki peranan yang amat penting dalam membantu mengembangkan perekonomian umat Islam di Sumatera Utara, khususnya bagi para peniaga kecil dan masyarakat berekonomi lemah lainnya. Usaha-usaha yang dilakukan oleh BPRS dalam membantu perekonomian umat dapat dibahagi kepada dua jenis iaitu penyimpanan wang dan bantuan modal (kewangan) kepada para peniaga, petani dan lainnya.

Helda Rahmi Sina dalam tesis Ph.D nya yang bertajuk “*Sistem Perbankan Syariah dan Pelaksanaannya di Indonesia*”²² mendedahkan beberapa permasalahan penting tentang perbankan Syariah di Indonesia mulai daripada sejarah dan latarbelakang penubuhannya, cabaran-cabaran yang dihadapi, perkembangannya serta beberapa analisis tentang produk-produknya dan amalannya di Indonesia. Kajian ini didapati bahawa masih banyak terdapat kelemahan-kelemahan, halangan dan cabaran-cabaran dalam proses pengembangan institusi perbankan syariah di Indonesia.

Heri Sunandar dalam hasil penulisan tesis doktor falsafah yang bertajuk “*Sistem Perbankan Syariah dan Peranannya dalam Peningkatan Ekonomi Ummah : Kajian Kes Perbankan Syariah di Provinsi Riau-Indonesia*”²³ dalam kajian beliau yang menghurai dan mengkaji tentang implementasi sistem perbankan Syariah, kemudian bagaimana perkembangan, permasalahan, penyelesaian masalah, sikap dan

²¹ Dewi Hartini, “Peranan Bank Pengkreditan rakyat syariah (BPRS) dalam pembangunan ekonomi umat Islam di Sumatera Utara, Indonesia” (Disertasi Sarjana pengajian Islam, Akademi Pengajian Islam, Universiti Malaya, 2007)

²² Helda Rahmi Sina, “*Sistem Perbankan Syariah dan Pelaksanaannya di Indonesia*”(Tesis Ph.D.,JSE, Akademi Pengajian Islam, Universiti Malaya, Kuala Lumpur, 2007)

²³ Heri Sunandar, “Sistem Perbankan Syariah dan Peranannya dalam Peningkatan Ekonomi Ummah : Kajian Kes Perbankan Syariah di Provinsi Riau-Indonesia” (Tesis kedoktoran, JSE, Akademi Pengajian Islam, Universiti Malaya, Kuala Lumpur, 2006)

persepsi masyarakat serta peranannya dalam peningkatan ekonomi masyarakat. Hasil kajian didapati bahawa sistem perbankan syariah pada umumnya telah diterapkan dengan baik dalam industri perbankan di Indonesia, namun masih mengalami pelbagai masalah, antaranya masalah kerangka undang-undang, inovasi produk perbankan syariah dan lain-lain.

Satu penelitian tentang ekonomi pembangunan yang bertajuk “*Pemikiran Pembangunan Ekonomi Berteraskan Islam*”²⁴ oleh Joni Tamkin bin Borhan(2008), disimpulkan bahawa pembangunan ekonomi menurut perspektif Islam adalah Syumul, menyeluruh dan bersepadu antara aspek rohani dan kebendaan malalui pendekatan fungsi kebajikan sosial dalam Islam untuk mencapai kecekapan penggunaan, pengeluaran dan pengagihan pendapatan. Selain dari itu, disebut dalam tulisannya tentang teori pembangunan ekonomi menurut perspektif Islam adalah asas pembentukan Ummah yang bertamadun, ummah yang teguh rohaninya dan Ummah yang mencapai *al-Falah* (kejayaan) di dunia dan akhirat.

Achmad Tohirin dalam tulisannya tentang perbankan Islam yang bertajuk “*Implimentasi perbankan Islam : Pengaruh sosio-ekonomi dan peranannya dalam pembangunan*”²⁵ mendapati bahawa implementasi perbankan Islam yang tepat pada akhirnya diyakini mampu meningkatkan kesejahteraan masyarakat secara keseluruhan. Misalnya yang diteliti oleh beliau adalah ditandai dengan naiknya pendapatan masyarakat, partisipasi dan distribusi penggunaan dana yang lebih merata. Secara ringkasnya, eksistensi sistem perbankan Islam yang benar dapat mendorong kesejahteraan masyarakat secara kualitatif dan kuantitatif dan

²⁴Joni Tamkin Bin Borhan (2008) “ Pemikiran Pembangunan Ekonomi Berteraskan Islam,” *Jurnal Usuluddin* .27 (2008), 93-107.

²⁵ Achmad Tohirin (2003) “Implimentasi Perbankan Islam : Pengaruh Sosio-Ekonomi dan Peranannya dalam Pembangunan” , *Jurnal Ekonomi Pembangunan, Fakulti Ekonomi Universiti Islam Indonesia* 8, no. 1, Jun (2003), 73-88.

mengurangkan kemiskinan. Hasil pelaksanaan sistem perbankan Islam akan mendorong tercapainya tujuan Syariah Islam yaitu mewujudkan kesejahteraan masyarakat yang semakin baik termasuklah kesejahteraan ekonomi.

Kesemua kajian tersebut, hanya dibuat secara am dan juga khas pada lokasi tertentu sahaja, tidak ada kajian khusus yang berkaitan dengan sistem perbankan Islam dan perannya di Pattani Selatan Thailand secara langsung, maka ada ruang bagi pengkaji untuk mengkaji. Penulis berhasrat untuk membuat kajian tentang peranan sistem perbankan Islam (Ibank) dalam pembangunan ekonomi ummah.

1.9 METODOLOGI KAJIAN²⁶

Apabila membincangkan proses-proses yang berlangsung dalam penyelidikan, ia lebih bermaksud kaedah-kaedah yang digunakan sepanjang kajian dijalankan. Proses ini termasuklah kaedah mengumpul data cara untuk menguji kaedah yang dibentuk untuk memastikan kekuatannya, kaedah penilaian data bagi memastikan hanya data yang terbaik yang dianalisis dan akhirnya menganalisis data tersebut.

1.9.1 METODE PENGUMPULAN DATA²⁷

Metode ini digunakan untuk mendapatkan maklumat daripada data-data sedia ada tentang kajian yang melibatkan konsep sistem perbankan Islam. Data data ini diperolehi dari jurnal, artikel dan bahan ilmiah. Data ini selalunya bertujuan untuk mendapatkan idea awal tentang subjek kajian dan meneliti kajian kajian lepas yang

²⁶Ialah sains bagi mencari jawapan kepada soalan-soalan khusus yang telah dikemukakan tentang sesuatu masalah. Lebih lanjut lihat Ahmad Muhammad Zain Ayob (1992) *Kaedah Penyelidikan Sosioekonomi : satu pengenalan*. Kuala Lumpur : Dewan bahasa dan Pustaka; Idris Awang (Dr.) (t.t) *Kaedah Penyelidikan : satu Review*, diedarkan kepada pelajar kursus sarjana, Akademi Pengajian Islam Universiti Malaya, Kuala Lumpur. Sesi 1999-2000, h.32-33.

²⁷ Data ialah apa jua maklumat dalam apa jua bentuk yang dikumpul dengan tujuan untuk dianalisis. Data boleh jadi dalam bentuk fakta, keterangan, pendapat, reaksi, ekspresi emosi dan sentimen, sikap, bilangan, pecahan, peratusan dan sebagainya, lihat lebih lanjut dalam Idris Awang, *Penyelidikan Ilmiah : Amalan Dalam Pengajian Islam*, (Kamil & Syakir Sdn. Bhd, 2009), 67.

dibuat untuk mencari landasan baru bagi masalah yang dikaji. Kaedah yang digunakan untuk mengumpulkan maklumat sekunder yang digunakan dalam kajian ini ialah;

a) Penyelidikan Perpustakaan

Metode dokumentasi ini mengutamakan penyelidikan perpustakaan, baik perpustakaan di peringkat negara, negeri, Jabatan atau Universiti. Sumber-sumber ini dapat menyumbangkan maklumat-maklumat yang diperlukan dalam kajian. Di antara bentuk-bentuk sumber dokumentari yang sering digunakan dalam penyelidikan ialah buku-buku, majalah, laporan, kertas-kertas seminar dan sebagainya. Kebanyakan sumber ini dapat diperoleh di perpustakaan. Oleh itu, ia dinamakan penyelidikan perpustakaan. Justeru, melalui kaedah ini, ia membantu pengkaji mendapat gambaran awal mengenai konsep perbankan Islam dan pembangunan ekonomi serta istilah-istilah yang berkaitan dengannya.

Pengumpulan data melalui kaedah ini diperolehi daripada beberapa buah perpustakaan iaitu, seperti : Perpustakaan Utama Universiti Malaya, Kuala Lumpur, Perpustakaan Peringatan Za'ba, Universiti Malaya, Kuala Lumpur, Perpustakaan Akademi Pengajian Islam, Universiti Malaya, Kuala Lumpur dan Perpustakaan Jonh F Kennedy, Prince of Songkhla University, Pattani, Thailand.

Kecanggihan teknologi pada masa kini merencanakan proses dapatan data. Kecanggihan dan kepantasan teknologi maklumat menjadikan maklumat kini adalah lebih kaya, interaktif dan wujud dalam pelbagai format, media dan multimedia. Oleh itu, penggunaan multimedia seperti laman sesawang, web blog dan seumpamanya dalam mendapatkan data dan maklumat mengenai sesuatu isu dan permasalahan merupakan salah satu daripada kaedah mengumpulkan data yang diaplikasikan.

b) Penyelidikan Lapangan

selain dari pada penyelidikan perpustakaan yang menjadi sumber ilmiah bagi kajian ini, penyelidikan lapangan juga digunakan bagi melengkapkan lagi sebuah disertasi yang dilaksanakan oleh penulis. Penyelidikan ini bertujuan untuk menyelidiki secara langsung “Sampel” yang dipilih dan diteliti iaitu “Islamic Bank of Thailand”. Ini bertujuan untuk mendapatkan maklumat-maklumat dan data-data yang berkaitan dengan tajuk disertasi ini. Penyelidikan lapangan ini, penulis juga menggunakan metode yang berlainan bagi memperolehi maklumat-maklumat yang diperlukan dalam penyelidikan ini, iaitu;

i) Metode Dokumentasi

Metode ini lebih bersifat kajian perpustakaan. Penulis banyak bergantung kepada dokumen-dokumen yang berkaitan dengan perkara yang dikaji, iaitu data-data berkenaan dengan produk-produk perbankan Islam di Islamic Bank of Thailand dan sebagainya. Hal ini terdapat dalam bab ketiga, keempat, bagi mendapatkan maklumat-maklumat yang diperlukan seperti buku-buku ilmiah, majalah, jurnal dan sebagainya. Selain itu, dokumen-dokumen yang diperolehi ini juga mengabil kira kesahihan dan kepercayaan untuk menghasilkan maklumat-maklumat berautoriti.

ii) Metode Temubual (wawancara)

Metode ini bertujuan untuk mendapat maklumat dan keterangan secarsa lisan daripada responden dengan menemubual (wawancara) responden tersebut dengan menggunakan metode ini, untuk memperolehi maklumat-maklumat tambahan untuk kajian ini. Temubual dilakukan keatas mereka yang mempunyai kaitan dengan Islamic Bank of Thailand dan kakitangan-kakitangannya. Dengan metode ini, ia sangat berkesan untuk mendapatkan maklumat yang lebih jelas dan terperinci sebagai data-data yang berbentuk primer. Temubual yang dibuat oleh penulis

adalah secara formal dan tidak formal. Temubual formal dibuat apabila penulis menulis menyediakan soalan tertentu untuk dituju kepada responden. Temubual tidak formal pula terhasil akibat keinginan penulis untuk mengetahui secara jelas perkara yang dibincangkan. Dalam hal ini, soalan-soalan yang ditujukan adalah bersifat spontan dan tidak dirancang.

Senarai responden temubual (Pegawai Islamic Bank of Thailand)

1. Temubual dengan Penvadee Sehsamae, Hari Isnin 28 Jan 2013, jam 10.30 pagi, bertempat di biliknya pejabat Islamic Bank of Thailand cawangan Pattani.
2. Temubual dengan Adul, Hari Jumaat 1 Feb 2013, Jam 14.30 Petang, bertempat di biliknya Islamic Bank of Thailand, Cawangan Yarang.
3. Temubual dengan Anuwat Tongkomong, Hari Rabu 6 Feb 2013, Jam 14.30 Petang, bertempat di biliknya Islamic Bank of Thailand, Cawangan Saiburi.
4. Temubual dengan Abdullah Hayeesaid, Pengurus bahagian penyelarasan rangkaian, Pusat Pattani, Bahagian pembangunan ekonomi 5 wilayah Selatan Thailand. Hari Sabtu 16 Feb 2013, Jam 10.30 pagi, bertempat di rumahnya.

Senarai responden temubual (Pelanggan Islamic Bank of Thailand)

1. Temubual dengan Rokaya Salaboo, pelanggan di bawah produk akar umbi, Pusat pembangunan ekonomi dan sosial 5 wilayah Selatan Thailand. Pada 3 April 2013, Jam 14.00, bertempat di rumahnya.
2. Temubual dengan Salama Waji, pelanggan di bawah produk projek pembangunan kerjaya kerajaan, Pusat pembangunan ekonomi dan sosial 5 wilayah Selatan Thailand. pada 6 April 2013, Jam 10.00 pagi, bertempat di rumahnya.

3. Temubual dengan Maesong Uma, pelanggan di bawah buruh Thai yang bekerja di Malaysia, Pusat pembangunan ekonomi dan sosial 5 wilayah Selatan Thailand. pada 7 April 2013, Jam 10.00, bertempat di rumahnya.
4. Temubual dengan Sa-aree Jusae, pelanggan di bawah produk pakaian Muslim, Pusat pembangunan ekonomi dan sosial 5 wilayah Selatan Thailand. Pada 10 April 2013, Jam 11.00 pagi, bertempat di rumahnya.
5. Temubual dengan Issama-ae Jehteh, pelanggan di bawah produk makanan halal runcit, Pusat pembangunan ekonomi dan sosial 5 wilayah Selatan Thailand. pada 16 April 2013, Jam 11.00 pagi, bertempat di rumahnya.

Senarai responden temubual (BC dan FO Islamic Bank of Thailand)

1. Temubual dengan Ismail Samaeng, Bank Coordinator (BC), Pusat pembangunan ekonomi dan sosial 5 wilayah Selatan Thailand. Pada 20 April 2013, Jam 17.00, bertempat di rumahnya.
2. Temubual dengan Hussam Hayeetahe, Field Officer (FO), Pusat pembangunan ekonomi dan sosial 5 wilayah Selatan Thailand. Pada 23 April 2013, Jam 12.00, bertempat di pejabatnya.

c) Metode Historis atau Persejaraan

Metode Historis atau Persejaraan ini adalah penyelidikan yang dilakukan dengan melihat dari sudut sejarah sesuatu masalah. Tujuan penggunaan metode ini adalah untuk mendapatkan data-data berbentuk sejarah hasil daripada dokumen-dokumen yang berkaitan dengan masalah tersebut. Metode ini digunakan oleh penulis untuk memperolehi data mengenai kejadian lampau terutama sejarah Patani, sejarah operasi bank Islam di Thailand seperti Islamic Bank of Thailand, Krung Thai Bank,

Government Saving Bank. Penulis akan digunakan pada bab yang pertama dan yang ketiga.

d) Melayari Internet

Dalam menjalankan kajian ini pengkaji akan mencuba menggunakan kecanggihan teknologi iaitu internet dalam mencari maklumat yang berkaitan dengan subjek penelitian iaitu bank Islam, seperti ;

- i) Islamic Bank of Thailand, <http://www.ibank.co.th/2010/th/main/> 12/2/2012
- ii) National Statistical Office <http://service.nso.go.th/nso/nsopublish/districtList/S010107/th/78.htm> 15/3/2012
- iii) Majlis Agama Islam Wilayah Pattani http://www.maip.in.th/home/index.php?option=com_content&view=article&id=14:2010-08-27-08-53-29&catid=2:2010-08-27-04-25-28&Itemid=315 3/2012
- iv) <http://www.oknation.net/blog/print.php?id=250369> 7/5/2012.

1.9.2 Metode Analisis Data

Analisis data boleh difahami dengan proses menghuraikan masalah kajian berasaskan persoalan kajian (*Research Questions*).²⁸ Data merupakan bahan mentah. Sebagaimana bahan mentah, data tidak akan memberi sebarang maklumat yang berguna mengenai sesuatu masalah yang dikaji kecuali ia di analisis dengan menggunakan kaedah-kaedah yang tertentu. Penganalisisan data merupakan aktiviti untuk memperolehi maklumat yang berguna daripada data mentah.

Apabila sumber data diperolehi melalui metode yang disebut di atas, maka pengkaji perlu menganalisis data tersebut untuk menjelaskan sesuatu keadaan, membuktikan yang dibuat atau menjawab persoalan-persoalan yang timbul semasa proses pengumpulan data tersebut dilakukan. Maklumat yang diperolehi akan

²⁸ Idris Awang, *Penyelidikan Ilmiah : Amalan Dalam Pengajian Islam*, (Kamil & Syakir Sdn. Bhd, 2009), 94.

pengkaji bandingkan sumbernya untuk memastikan sumber yang terkuat dan maklumat yang paling sahih untuk dijadikan pegangan.

a) Metode Induktif

Metode Induktif bererti kaedah berdasarkan logik akal. Kaedah induktif ini merupakan proses membuat rumusan, prinsip atau hukum berdasarkan sampel yang telah diberikan. Melalui metode ini, kajian mengumpulkan maklumat secara berterusan bagi menjelas atau menghurai fenomena yang dikaji. Metode ini digunakan untuk mencari pembuktian dari perkara-perkara khusus kemudian daripada bukti-bukti tersebut pengkaji akan membuat satu kesimpulan.²⁹ Penulis menggunakan metode ini dalam meneliti pandangan para ulama silam dan ulama kontemporari terhadap pemahaman yang digunakan oleh mereka tentang konsep pembangunan dan sistem perbankan Islam, Metode ini digunakan dalam bab kedua.

b) Metode Deduktif

Metode ini menerangkan tentang penghuraian permasalahan yang didapati dengan cara melibatkan perinsip umum yang dapat dikutip dan diterjemahkan ke dalam hipotesis untuk cadangan yang tepat dan khusus. Metode ini akan digunakan dalam menalisis data-data yang diperolehi sama ada melalui temubual, dokumentasi, laporan-laporan serta sumber-sumber lain terkait. Dengan metode ini juga penulis dapat mempraktikkan dalam bab yang berkaitan dengan prinsip-prinsip syariah yang terkandung dalam bab kedua. Dalil-dalil al-Qur'^{ān}, Hadith, akan diutamakan kemudian akan dihuraikan dalam bentuk yang lebih khusus.³⁰

²⁹ Idris Awang, *Penyelidikan Ilmiah : Amalan Dalam Pengajian Islam*, (Kamil & Syakir Sdn. Bhd, 2009), 101.

³⁰Ibid.,

1.10 SISTEMATIKA KAJIAN

Kajian ini terbahagi kepada lima bab iaitu :

Pada bab pertama merupakan bab pendahuluan, penulis membicarakan tentang latarbelakang kajian, persoalan kajian, permasalahan kajian, objektif kajian, kepentingan kajian, skop kajian, sorotan kajian lepas, dan metodologi kajian. Bagi menjalankan kajian ini penulis menggunakan dua metode iaitu metode pengumpulan data dan metode penganalisan data.

Pada bab kedua akan membincangkan tentang sistem perbankan dalam Ekonomi Islam yang akan membicarakan latarbelakang sejarah sistem kewangan Islam dari awal Islam dan zaman moden, konsep pembangunan ekonomi Islam dan objektif sistem perbankan Islam, perbezaan di antara sistem perbankan Islam dan sistem perbankan konvensional. Juga disertakan dengan prinsip-prinsip syariah yang digunakan dalam sistem perbankan Islam.

Pada bab ketiga akan membicarakan tentang sistem perbankan Islam di Thailand, latarbelakang sistem kewangan Islam di Thailand, sejarah gerakan penubuhan Islamic Bank of Thailand dan juga rangka kerja dalam sistem perbankan Islam dan menjelaskan pelaksanaan Islamic Bank of Thailand dan produk-produk yang diaplikasikan dalam Pusat pembangunan ekonomi dan sosial 5 wilayah Selatan Thailand dan mengklasifikasikan produk yang amat berpengaruh terhadap pembangunan ekonomi ummah di Islam di Islamic Bank of Thailand.

Pada bab keempat akan menganalisis sistem perbankan Islam di Islamic Bank of Thailand dan peranannya dalam pembangunan dari sudut ekonomi dan juga sosial masyarakat umum di Patani, Selatan Thailand dan juga disertakan dengan kesimpulan.

Pada bab kelima adalah bab yang terakhir atau bab kesimpulan, pada bab ini akan membincangkan tentang kesimpulan daripada keseluruhan hasil kajian sebagai rumusan melalui bab-bab yang lepas. Pada bab ini juga, akan memfokuskan kemuncak bagi keseluruhan kajian bagaimanakah peranan Islamic Bank of Thailand dalam pembangunan ekonomi ummah di Pattani, Selatan Thailand dan juga diikuti dengan saranan-saranan dan cadangan-cadangan yang dianggap berguna dan membina untuk Islamic Bank of Thailand dan pusat pembangunan ekonomi dan sosial 5 wilayah Selatan Thailand.

1.11 KESIMPULAN

Dalam rangka kajian ini sangat penting untuk mengetahui sistem perbankan Islam di Pattani, serta juga dapat mengetahui bagaimana Islamic Bank of Thailand memainkan peranan dalam menolong dan membantu rakyat di kawasan wilayah Pattani, Selatan Thai. Kajian ini lebih menumpu kepada menganalisis dokumen-dokumen yang diterbitkan oleh Islamic Bank of Thailand dengan membuat analisis dari maklumat agensi Islamic Bank of Thailand. Untuk memperkuatkan lagi kajian ini, penulis juga mengambil pandangan dari pengurus Bahagian pembangunan ekonomi dan sosial 5 wilayah Selatan Thai, Pusat Pattani dan beberapa orang pengurus Islamic Bank of Thailand cawangan-cawangan wilayah Pattani untuk mengetahui pandangan mereka tentang pelaksanaan Islamic Bank of Thailand wilayah Pattani.